

大乘宝月童子 问法经

宋西天三藏朝散大夫试鸿胪
少卿传法大师施护奉 诏译



南無本師釋迦牟尼佛


说明

本简体校正版《大乘宝月童子问法经》电子书，根据《乾隆大藏经》宋元入藏诸大小乘经，第 0821 部，宋西天三藏朝散大夫试鸿胪少卿传法大师施护奉诏译《大乘宝月童子问法经》原藏影印本校正，句读仅供参考。

本电子书是免费结缘品。特此说明。

仁慧草堂

二〇一九年八月



扫码关注仁慧草堂微信公众号

● 起诵仪

香赞

(一遍)

炉香乍爇. 法界蒙薰. 诸佛海会悉遥闻. 随处结祥云. 诚意方殷. 诸佛现全身.

南無香云盖菩萨摩诃萨 (合掌三称)

南無本师释迦牟尼佛 (合掌三称)

开经偈

(一遍)

无上甚深微妙法 百千万劫难遭遇
我今见闻得受持 愿解如来真实义

大乘宝月童子问法经

宋西天三藏朝散大夫试鸿胪

少卿传法大师施护奉 诏译¹

如是我闻：

一时，佛在王舍城鹞峰山中，与大苾刍众五万五千俱胝；一心行菩提行，无能胜菩萨等八万百千无数俱胝那由多；诸天人等百千那由多。

尔时，世尊于其食时著衣持钵，与苾刍众并诸菩萨、天龙神等，恭敬围绕，入王舍大城，于彼乞食。

是时，频婆娑罗王子名宝月童子，因为事故乘大龙象出王舍大城。遥见世尊，即下龙象，而诣佛所。到已致敬，头面礼足，住立一面。宝月童子白佛言：“如来、应供、正等正觉！惟²愿世尊，说彼十方如来所有名号。若有信心善男子、善女人，闻是名已，所有五逆等罪及一切业障，悉皆消除，于无上正等正觉速得不退。”

尔时，世尊告宝月童子言：“善哉！善哉！”

¹ 大正藏：西天译经三藏朝散大夫试鸿胪少卿传法大师臣施护奉 诏译

² 大正藏：唯；永乐北藏及龙藏：惟

汝能乐闻如来名号之义，此意贤善，一切罪业决定消除。童子，汝今谛听，善思念之！我为汝说。

“童子，过于东方百千俱胝那由多恒河沙等佛刹，彼有世界名曰无忧，彼有如来，名贤吉祥，应供、正等³正觉，少病少恼，乃至为诸众生恒说妙法。彼佛寿命，六万百千俱胝那由多无数劫。彼世界中无其日月昼夜，唯有佛光普照一切，及照地狱、旁⁴生、琰⁵魔罗界一切众生令得解脱，无量众生得无生法忍。”

佛言：“童子，南方过百千俱胝那由多恒河沙等佛刹，彼有世界名曰寂静，彼有如来，名无边光，应供、正等正觉，为诸众生恒说妙法。”

佛言：“童子，西方过百千俱胝那由多恒河沙等佛刹，彼有世界名曰欢喜，彼有如来，名喜吉祥，应供、正等正觉，为诸众生恒说妙法。”

佛言：“童子，北方过百千俱胝那由多恒河沙等佛刹，彼有世界名曰不动，彼有如来，名曰宝幢，应供、正等正觉，为诸众生恒说妙法。”

佛言：“童子，东南方过百千俱胝那由多恒河沙等佛刹，彼有世界名曰正行，彼有如来，名

³ 大正藏：等；永乐北藏及龙藏：正等

⁴ 大正藏：傍；永乐北藏及龙藏：旁

⁵ 大正藏：焰；永乐北藏及龙藏：琰

曰无忧吉祥，应供、正等正觉，为诸众生恒说妙法。”

佛言：“童子，西南方过百千俱胝那由多恒河沙等佛刹，彼有世界名曰宝幢吉祥，彼有如来，名曰宝幢，应供、正等正觉，为诸众生恒说妙法。”

佛言：“童子，西北方过百千俱胝那由多恒河沙等佛刹，彼有世界名曰妙声，彼有如来，名吉祥华，应供、正等正觉，为诸众生恒说妙法。”

佛言：“童子，东北方过百千俱胝那由多恒河沙等佛刹，彼有世界名曰安乐，彼有如来，名莲华光嬉戏智，应供、正等正觉，为诸众生恒说妙法。”

佛言：“童子，下方过百千俱胝那由多恒河沙等佛刹，彼有世界名曰广大，彼有如来，名光明吉祥，应供、正等正觉，为诸众生恒说妙法。”

佛言：“童子，上方过百千俱胝那由多恒河沙等佛刹，彼有世界名为月光，彼有如来，名财吉祥，应供、正等正觉，为诸众生恒说妙法。”

“童子，如是一切世界佛刹，皆有清净旃檀楼阁，所有如来名号，若人闻已，恭敬受持，书写读诵、广为人说，所有五逆等一切罪业悉皆消

除，亦不墮地狱、旁⁶生、琰⁷魔罗界，于无上正等正觉速得不退。

“于意云何？童子，于过去大无数，及广大无边无数劫，时有世界名曰宝生，彼有如来，名精进吉祥，应供、正等正觉，彼十如来于精进吉祥佛所为菩萨位，于其佛前供养发愿：‘我等各于佛刹成无上正等正觉之时，若有众生经刹那间至须臾之间，闻我十佛名号，闻已恭敬受持，书写读诵，广为人说，所有五逆等一切罪业悉皆消除，亦不墮地狱、旁⁸生、琰⁹魔罗界，于无上正等正觉速得不退。’”

尔时，宝月童子如是闻已，而复白言：“世尊！彼佛如来寿量云何？”

世尊答言：“彼佛寿十阿僧祇百千俱胝那由多世界微尘等劫。”

童子闻已，白佛言：“彼佛如来，甚为希有！如是悲心发愿，为诸众生得此寿量。”

佛言：“童子，若有众生闻此十佛名号，恭敬受持，书写读诵，信乐修行，所有无量无边福德悉得具足，三业之罪亦不能生。

⁶ 大正藏：傍；永乐北藏及龙藏：旁

⁷ 大正藏：焰；永乐北藏及龙藏：琰

⁸ 大正藏：傍；永乐北藏及龙藏：旁

⁹ 大正藏：焰；永乐北藏及龙藏：琰

“童子，若有善男子、善女人，于恒河沙等佛刹，满中七宝供养如来，经百千岁获福无量；若善男子、善女人闻是十佛名号，恭敬信受，书写读诵，为他解说，所得福德胜前供养无量无边。”

尔时，索诃¹⁰世界主、大梵天王、帝释天子、四天大王、稣臬么天子、大自在天子，以最上旃檀香末散世尊前而为供养，白世尊言：“若有众生于此正法，书写读诵，信解受持，得一切天人、阿修罗尊重礼拜，所有地狱、旁生¹¹、琰¹²魔罗界、阿修罗身及饿鬼趣，皆得解脱。”

佛言：“若此正法，耳根得闻，受持读诵，罪恶魔冤不能侵害，于阿耨多罗三藐三菩提速得不退。”

尔时，世尊而说颂曰：

持此世尊十名号 如是寿命俱胝劫

佛说功德不思议 未来成就二足尊

尔时，频婆娑罗王宝月童子，白于世尊而说伽他曰：

大无畏善说 无边无量佛

众生最上师 我今归命礼

¹⁰ 大正藏：河；永乐北藏及龙藏：诃

¹¹ 大正藏：畜生；永乐北藏及龙藏：旁生

¹² 大正藏：焰；永乐北藏及龙藏：琰

如是今修学 一切佛知见
愿断于烦恼 速成于菩提

尔时，童子说此颂已，白世尊言：“我今如
是所有忍辱、菩萨大智、总持法门、方广之教、
佛菩提行，如是修学行菩提行。”

尔时，世尊复说颂曰：

若人受持佛名号 水火盗贼不能侵
毒药刀杖王难等 一切诸苦自消除
如是速得于菩提 广令流布佛名号

“若此正法于末世时，有人受持读诵，此人
命终速成佛道；若以香华供养一切诸佛经多劫时，
不如有人于此正法暂时书写读诵，所得福德无量
无边；若人以最上所爱七宝，满于一切刹土之中，
供养一切诸佛，亦不如读诵此经得福甚多。”

佛说此经时，无量百千俱胝那由多众生，发
阿耨多罗三藐三菩提心；无量、无边众生得无生
忍，不退转于阿耨多罗三藐三菩提。

佛说是语时，宝月童子等，皆大欢喜，作礼
而退。

大乘宝月童子问法经

● 结诵仪

补阙真言

(三遍)

南無喝啰怛那. 哆罗夜耶. 佉啰佉啰. 俱住俱住. 摩啰摩啰. 虎啰. 吽. 贺贺. 苏怛拿. 吽. 泼抹拿. 娑婆诃.

补阙圆满真言

(三遍)

唵. 呼嚧呼嚧. 社曳穆契. 莎诃.

普回向真言

(三遍)

唵. 娑麼啰. 娑麼啰. 弭麼曩. 萨嚩诃. 摩诃斫迦啰嚩吽.

南無佛 南無法 南無僧 (合掌三称)

南無本师释迦牟尼佛 (合掌三称)

南無观世音菩萨摩诃萨 (合掌三称)

南無护法诸天菩萨 (合掌三称)

礼佛发愿文

(一遍)

归命十方调御师 演扬清净微妙法

三乘四果解脱僧 愿赐慈悲哀摄受

但(某甲)自违真性，枉入迷流。随生死以飘沉，逐色声而贪染。十缠十使，积成有漏之因；六根六尘，妄作无边之罪。迷沦苦海，深溺邪途。著我耽人，举枉措直。累生业障，一切愆尤。仰三宝以慈悲，沥一心而忏悔。

所愿能仁拯拔，善友提携。出烦恼之深源，到菩提之彼岸。此世福基命位，各愿昌隆；来生智种灵苗，同希增秀。生逢中国，长遇明师。正信出家，童真入道。六根通利，三业纯和。不染世缘，常修梵行。执持禁戒，尘业不侵。严护威仪，蝇飞无损。不逢八难，不缺四缘。般若智以现前，菩提心而不退。修习正法，了悟大乘。开六度之行门，越三祇之劫海。建法幢于处处，破疑网于重重。降伏众魔，绍隆三宝。承事十方诸佛，无有疲劳。修学一切法门，悉皆通达。广作福慧，普利尘沙。得六种之神通，圆一生之佛果。然后不舍法界，遍入尘劳。等观音之慈心，行普

贤之愿海。他方此界，逐类随形。应现色身，演扬妙法。泥犁苦趣，饿鬼道中，或放大光明，或现诸神变，其有见我相，乃至闻我名，皆发菩提心，永出轮回苦。火镬冰河之地，变作香林；饮铜食铁之徒，化生净土。披毛戴角，负债含怨，尽罢辛酸，咸沾利乐。疾疫世而现为药草，救疗沉痾；饥馑时而化作稻粱，济诸贫馁。但有利益，无不兴崇。次期累世冤亲，现存眷属，出四生之汨没，舍万劫之爱缠。等与含生，齐成佛道。虚空有尽，我愿无穷。情与无情，同圆种智。

回向偈

(一遍)

愿以此功德 庄严佛净土
上报四重恩 下济三途苦
若有见闻者 悉发菩提心
尽此一报身 同生极乐国

十方三世一切佛。一切菩萨摩訶萨。摩訶般若波罗蜜

三皈依

(一遍)

自皈依佛，当愿众生，体解大道，发无上心。
自皈依法，当愿众生，深入经藏，智慧如海。自
皈依僧，当愿众生，统理大众，一切无碍，和南
圣众。

南无护法韦驮尊天菩萨



此咒置经书中可灭误跨之罪